

陽春縣志卷之八

兵防

營制 祿餉 馬匹 軍器 狼兵 鄉勇 民壯 弓兵附

三代以前以民兵守其常以養兵持其變春秋以降以養兵持其常以民兵輔其變此惲子居之說也言兵制者大要盡於此矣以吾邑論明設衛所清設城守非所謂養兵者哉然咸同時邊平群寇鄉勇之力為多則民兵大可用也裁汰綠營自同治九年始迄宣統間裁汰幾盡防營調發難以時至而團練又虛有其名三合會匪遂為吾邑之大患唯築有圍堡者尚足以自固語有之兵之衛民不如民之自衛諒哉言乎

營制

陽春在唐屬高涼郡將軍馮盎平高涼茲地實統於盎其兵防未能詳也元至正間則有管軍千戶所鎮字官明洪武三十一年知縣趙

卷八

一

清奏調撥神電衛後千戶所官軍一千名鎮守是為守鎮千戶所迨清初撤去衛所設立城守營官兵分設塘汛布置得宜矣清順治十七年始設春江營改陽高遊擊為春江遊擊調高明千總一員兵二百九十九名分防陽春康熙元年奉遷沿海居民入內地設邊界墩臺三年復遷近海居民改春江遊擊為春江參將改中軍守備為中軍都司設左右營守備二員千總二員把總六員增兵五百名以左營陽春守備領兵四百九十九名分防陽春康熙八年展復海界以邊汛遼遠裁海安兵五百名撥入春江營改春江參將為副將鎮守春江恩開四縣兼管那扶中軍都司一員左右營守備二員千總四員把總八員除陸續奉文抽防饒平博羅增城廣州新城外實尚存兵一千九百二十五名康熙二十三年海氛平靖海禁大開從前奉遷海島居民悉令復業更定營制春江協營實額官一十六員馬步

戰守兵一千四百六十名

康熙四十一年題明協營應抽馬戰兵三名步戰兵三名守兵一十八名將名糧撥歸三江口協招募鄉勇驗補充額外尚存額官一十六員馬步戰守兵一千四百三十六名內馬戰兵一百四十三名雍正七年裁馬戰兵十二名改設外委千總四員外委把總八員實存馬戰兵一百三十一名步戰兵二百八十九名守兵一千零四名九年以左哨二司把總移駐陽江城其原駐防黃泥灣茶園曹洞牛軛曲各汛撥歸羅定協左營管轄乾隆四年復更營制議將分防北額汛右哨千總撥歸陽江城巡防其左哨二司把總移撥鵝公汛將原防鵝公汛之右哨二司把總轉撥北額汛防守二十二年以馬戰兵十二名改為步戰兵將馬撥歸右翼鎮中右二營三十五年裁守兵一名四十七年裁馬兵十名步戰兵五十一名守兵八名又將公費

卷八

一

步戰兵糧二十五名公費刪除

按春江協左營屬陽春陸路右營屬陽江水師其兵馬養廉節奉裁改外實尚存馬戰兵一百二十一名步戰兵二百五十名守兵九百九十五名

嘉慶十五年廣東添設水師提督區分水陸奏將左翼鎮改為陽江鎮將原設春江協副將改為海口協將原設中軍都司改為陽江鎮中軍遊擊其原設春江協左營守備本屬陸路駐防陽春縣城只將所屬左營官兵改為陸路陽春營是年改馬兵三十五為步戰兵抽步戰兵二十二名守兵八十八名移撥化石營又以左哨外委千總一員馬糧撥歸陽江鎮左營復將太平北額二汛守兵一百二十四名撥歸陽江鎮操防十六年將太平北額二汛臺外委把總二員本身馬糧二名並馬兵九名撥歸陽江鎮左營管轄後奉文將二汛臺

原防把總二員外委把總二員撥歸陽江鎮水師十七年將太平北額二汛臺步兵二十七名並前十六年所撥官兵俱歸陽江鎮水師管轄其新設陽春營撥歸高州鎮統轄復因寫遠誠恐鞭長莫及改歸肇慶協統轄二十二年改馬兵五名為守兵添設額外外委二名只將馬兵內拔補實外委千把總馬糧三名額外外委馬糧二名二十三年裁步兵一名水師二名赴水師提標募補續奉行文將本營右哨千總一員外委千總一員撥歸陽江鎮左營水師巡防又按陽春左營雍正八年原額設官九員內統轄副將一員中軍都司一員本營守備一員千總二員把總四員原額設馬步守兵共七百一十八名內馬戰兵連外委本身馬糧共九十二名步戰兵一百二十九名守兵連字識共四百九十七名

嘉慶二十四年節奉裁改外陽春營實額馬步戰守兵三百五十七

卷八

三

名內除外委本身馬糧三名額外外委本身馬糧二名實馬兵十三名步戰兵六十名守兵二百七十九名共三百五十二名

錄舊志

同治九年奉飭照本營原額裁兵三成光緒十四年六月兩廣總督張之洞奏將陽江鎮水師移於北海其陽春營前歸肇慶協管轄復改歸高州鎮統轄裁額兵二成二十一年再裁二成二十七年續裁去二成三十年五月奏裁綠營官兵另編新軍其舊日制兵之精壯者由各廳州縣選為巡勇每月餉銀三兩六錢選派千把總一員為巡長限六月一日成軍旋奉營務處電飭緩行三十一年復奉飭將綠營官兵裁七留三所裁去之兵丁由各廳州縣照上年原定巡勇名額先撥七成薪餉即以武營所收之緝捕經費及節存兵項下提撥裁去陽春營守備一員把總一員外委三員步戰兵一十六名守兵七十三名實存駐城千總一員鵝公汛把總一員額外外委一

員步戰兵六名守兵二十二名歸併陽江營遊擊營轄

錄彩訪冊

駐防陽春縣城守備一員千總一員額外外委二員馬步戰守兵一百三十六名字識九名

分防平坦汛目兵四名

分防瓦盜汛目兵四名

分防那烏汛外委千總一員目兵七名

分防松柏汛目兵三十名

分防大錨灣汛目兵二十名

分防交岡汛目兵十名

駐防黃泥夾川山寺平坦高流水牛岡墳南門三家店山口等八塘每塘設兵四名專司郵遞

右城池塘汛一十五處千總一員專管外委千總一員協防

卷八

四

駐防那旦汛頭司把總一員目兵二十八名字識一名

分防潭水汛頭司外委把總一員目兵九名

分防下瀧垌汛目兵四名

駐防岡尾塘那旦塘每塘設兵四名專司郵遞

右塘汛五處頭司把總一員專管頭司外委把總一員協防

駐防鵝公汛二司把總一員目兵二十八名字識一名

分防那黃汛二司外委把總一員目兵一十一名添設荆山逕汛目

兵五名

乾隆三年春江右哨二司把總李國華呈稱汛屬之荆山逕距汛窳遠密莽深菁錦巨數十餘里並無人烟議於逕中添設一汛撥兵駐守可以衛民弭盜嗣經春江協鎮左營守備楊奉批查覆屬實七年六月遂准添設

右汛防四處二司把總一員專管二司外委把總一員協防

凡城池塘汛二十四處千總一員把總二員外委千把總三員額

外外委二員兵丁三百四十一名字識一十一名俱屬陽春營守

備總管

陽春左營管轄撥防陽江縣城者千總一員外委千總一員目兵二百四十二名隨巡海洋並無地方防守

陽春左營管轄分防陽江縣屬者太平城汛右哨頭司把總一員目兵二十名百歲墳汛外委把總一員目兵八名清湖汛目兵七名蓮花汛目兵七名儒垌汛目兵八名由子汛目兵七名雙墳汛目兵一十一名

分設清湖蓮花茶亭大墟麻總太平潭竹蒲排由子車田十塘塘兵專司郵遞

陽春左營管轄分防陽江縣屬北額砲臺等汛者北額砲臺汛右哨二司把總一員目兵三十四名施村汛外委把總一員目兵八名福烏汛目兵七名

按撥防陽江千總外委並太平北額砲臺塘汛把總外委雖屬陽

卷八

五

江地方官兵但係陽春左營管轄故仍詳載至陽春縣屬黃泥灣

汛牛軛曲汛茶園汛曹洞汛官兵前已撥歸羅定茲不備書

錄舊志

按光緒三十年創設新軍三十一年將所裁綠營目兵精壯者選充及招募民壯成軍名曰巡防營其制有統領管帶哨弁等名目兵以三排為一哨哨有官四哨為一營營有管帶三營為一統統有統領某地方有匪則調駐勦辦薪餉請領於省庫此巡防營制之大畧也然遷調無常駐防靡定以言剿匪則兵來匪去兵去而匪又復來以言巡防或到未一月即調或請兵數月不來而邑屬綠營原額兵員已次第裁撤幾盡所僅留存之兵日率皆老弱濫充又復缺額不補營制廢弛達於極點遂至亂無寧歲民不聊生

可慨已

錄採訪冊

祿餉

賞郵附

守備一員歲支俸銀一十八兩七錢零六釐薪銀四十八兩蔬菜燭炭銀一十二兩心紅紙張銀一十二兩養廉銀二百兩共銀二百九十兩零七錢零六釐

千總一員歲支俸銀一十四兩九錢六分四釐八毫零四忽薪銀三十三兩零三分五釐一毫九絲六忽養廉銀一百二十兩共銀一百六十八兩把總二員每員歲支俸銀一十二兩四錢七分一釐薪銀二十三兩五錢二分九釐養廉銀九十兩共銀一百二十兩二員共銀二百五十二兩

外委千把總三員每員歲支養廉銀一十八兩餉銀二十四兩三員共支一百二十六兩
額外外委二員馬兵十三名每員歲支餉銀二十四兩共銀三百六十兩

卷八

六

步戰兵六十名每名歲支餉銀一十八兩共銀一千零八十八兩
守兵連字識共二百七十九名每名歲支餉銀一十二兩共銀三千三百四十八兩

陽春營外委千把總三員額外外委二名及馬步戰守兵連字識共三百五十七名每名歲支糧米三石六斗共糧米一千二百八十五石二斗內於陽春縣領支本色米一千二百三十七石一斗一升八合九勺尚缺米四十八石零八升一合一勺每石折銀七錢共折米三十三兩六錢五分七釐原在督糧道處請領

本營兵丁三百五十七名每百名歲計紅白賞卹銀四十六兩五錢五分一釐歲共支銀一百六十六兩一錢八分八釐

一兵丁娶妻紅銀三兩二錢

一兵丁娶媳紅銀一兩六錢

一兵丁嫁女紅銀一兩六錢

一兵丁祖父母故白銀三兩二錢

一兵丁承重祖父母故白銀六兩四錢

一兵丁父母故白銀六兩四錢

一兵丁本身故有家室者白銀四兩無家室者白銀二兩四錢

一兵丁妻室身故白銀一兩六錢

一兵丁三百五十七名每名百名歲計公費銀三十六兩每歲共支公費銀一百二十八兩五錢二分此項銀兩以遞年分春秋兩季向藩

庫請領回營備支

錄舊志

馬匹軍器

陽春無馬政考之營制係於通省兵丁按照名糧分別扣除名為棚扣統歸藩庫遞年酌派各營買補馬匹等用盈絀例無增減截長補

卷八

七

短是在經管官會計度支焉

一守兵每名每月扣銀三分

一步戰兵每名每月扣銀五分

一馬戰兵每名每月扣銀一分

一本營各官自備坐馬十四匹

有種料
無馬價

一外委連騎戰操馬十八匹每匹准領馬價銀十八兩每年准買補三匹

本營戰坐馬二十八匹春冬二季每匹每月支料米九斗草三十束夏秋二季每匹每月支料米六斗草三十束每匹歲支料米九石共料米二百五十二石每石折銀七錢共銀一百七十六兩四錢每匹歲支草三百六十束每束折銀七釐共銀二兩五錢二分每年馬乾草料共銀一百七十八兩九錢二分

軍器凡弓箭七十八副烏鎗一百九十六桿籐牌三十面牌刀三十口挑刀二十把銅事件腰刀七十八張鐵事腰刀二百零四張長鎗二十三桿

錄舊志

狼兵

附

雲永營狼總一名狼兵九十三名陽春東安分界處所立寨因石鵝分界等村莊居住明天順間寇賊盤踞殺戮村民調廣西狼兵三千餘名來剿平服有功留目兵九十三名把守羅定東安陽春三岐隘口即將賊踞荒土共該稅米二十五石給與開墾自耕輸將

錄舊志

按大鑑灣堡雲永洞有九十三家之名石咀石鵝新村新寨犁頭陂石古石鼓石主石門大巖木穀逕營地岡馬落窰巖脚油甘新立寨等村黃劉囂李馬磨覃梁各姓俱係狼兵苗裔云

錄探訪冊

又按人物劉廷亮傳載廷亮以猺賊披猖與伍林黃姓者捐貲赴

卷八

八

廣西招狼兵剿平之攷太平都黃稿水一帶上至龍頭山坪下至石橋那井皆猺所踞之地當時所剿即此處之猺猺平後諸里排以該處荒田簽以狼兵自耕而食劉伍黃林世為招主然不久狼兵盡室西歸無留存者此明季時事迨清康熙四年撤去招主名目其田盡升科輸稅即經政猺田類黃稿大小水寨茶場崗等田稅米六石四斗五升及西岸峒田稅米八石三斗是也

錄探訪冊

鄉勇民壯弓兵

附

各堡村莊自行公議設立鄉勇看守地方遞年赴縣驗充大堡設立鄉勇一人壯丁五六人小堡設鄉勇一人壯丁二三人設法晝夜巡查或一年或二年更替
縣屬民壯原額五十名雍正十三年奉裁二十名乾隆十五年又裁五名實民壯二十五名

古良司民壯四名雍正九年查議司屬添設民壯四名專司緝捕

古良司弓兵二名

黃坭灣弓兵二名 錄舊志

鄉勇民壯清初原額五十名經迭次奉裁實存二十五名咸同年
間此制已廢光緒二十四年三合會起土匪橫行地方官紳以為
兵之衛民不如民之自衛於是每堡設立常備團勇卡守要隘以
資防禦每名團勇月餉約銀六元名曰團保其勇額之多寡率以
地方之廣狹衝緩及經費所籌多寡為衡 錄採訪冊

卷八

九